

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>





二法二儀同卷

二法二儀同卷



清刻龍藏佛說法變相圖

二法二儀同卷

金剛壽命陀羅尼念誦法

杜六

大藥叉女歡喜母并愛子成就法

佛說帝釋巖祕密成就儀軌

觀自在菩薩如意輪念誦儀軌

金剛壽命陀羅尼念誦法

唐南天竺國三藏金剛智與沙門不空奉詔譯

我今依金剛頂瑜伽經毗盧遮那報身佛於
色界頂第四禪成等正覺即下須彌頂金寶
峯樓閣盡虛空徧法界一切如來皆悉雲集
前後圍遶異口同音惟願世尊轉微妙法甚
深祕密四種輪所謂金剛界輪降三世教令
輪徧調伏法輪一切義利成就輪如是四輪
從毗盧遮那如來心出一輪皆有三十七
聖者一一真言一一三摩地一一印契威儀

執持大悲願力於雜染佛世界淨妙佛世界
或隱或顯輪轉利樂度諸衆生各各不同毗
盧遮那佛受諸如來請已欲轉法輪時即入
三摩地觀見摩醯首羅天等剛強難化執著
邪見非我寂靜大悲之身堪任調伏於時世
尊入忿怒三摩地從胷臆五峯金剛菩提心
流出四面八臂威德熾盛赫奕難觀降三世
金剛菩薩身徧禮毗盧遮那佛一切諸佛惟
願世尊示教於我何所爲作佛告降三世菩
薩汝今調伏難調諸天令歸依諸佛法僧發
菩提心諸天盡皆歸依唯大自在天恃大威
德來相拒敵降三世種種苦治乃至於死毗
盧遮那佛入慈愍大悲三昧耶說金剛壽命
陀羅尼便入金剛壽命三摩地乃結印契加
持摩醯首羅天復還得蘇更增壽命歸依諸

佛灌頂受記證得八地

金剛壽命真言曰

唵引縛日囉合二喻曠娑縛二合賀引二

佛告執金剛菩薩若有善男子善女人受持

念誦日各三時時別千徧過去所有惡業因

緣短命夭壽杜六由持此陀羅尼故信心清淨業

障銷滅更增壽命若有修習三摩地者現生

不轉父母生身獲五神通凌虛自在說三摩

地門結跏趺坐端身閉目二手重疊安於齋

下虛空中徧想諸佛了了分明即於自身中

當觀心如滿月光明瑩徹上有五股金剛杵

形漸大如等身變爲降三世菩薩頂有毗盧

遮那佛從佛徧身徧毛孔中出甘露灌頂注

自身入於心中復想金剛薩埵菩薩即結金

剛壽命菩薩陀羅尼印二手金剛拳以頭指

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



右押左相鉤安於頂上誦金剛壽命陀羅尼
七徧安於額上分手繫頂後直舒二指徧身
旋轉如掇甲冑勢

甲冑真言曰

唵引碁 噯二合 囉欲 三引

由加持此印故獲得身如金剛不壞離諸災
橫見者歡喜生大恭敬

次說護摩除災延命壇治一淨室於東邊安

金剛壽命菩薩像懸諸幡蓋像前作三肘方

壇掘深去瓦礫骨灰諸不淨物等如其地無

諸穢物還取舊土填之土若有餘是杜六大吉

相法易成就若有穢物即取河兩岸淨土填

平和諸香瞿摩夷塗壇中心畫以白粉作一

肘半金剛甲冑中央穿一爐深半肘周圍安

緣如不欲穿者安火爐行者火爐前坐壇四

面供養飲食諸果子等壇四角安餅於爐中
然炭先辦乳木長十指麤如大指二十一以
酥搵兩頭誦金剛壽命真言擲於火中然熾
盛已即於火中想八葉蓮華於華胎中想阿
字光明徧照成金剛壽命菩薩次以四字四
明引請菩薩入火爐受諸供養即以右手半
金剛印以水灑火令淨次取一器盛滿融酥
以骨屢草青者一莖搵酥誦金剛壽命陀羅
尼一徧擲一莖於火中乃至一百八莖或一
千八莖次後擲燒諸香乳酪念誦已畢以三
滿杓酥傾於火中初後如是若能於三長齋
月或自本生日作是供養能除災難增益壽
命國土安泰無諸災疫風雨以時一切賢聖
擁護其人

金剛壽命陀羅尼念誦法

大藥叉女歡喜母并愛子成就法

唐北天竺三藏沙門大廣智不空奉詔譯

爾時佛住王舍城竹林精舍為諸人天演說法要時有大藥叉女名曰歡喜容貌端嚴有五千眷屬常在支那國護持世界是娑多大藥叉將之女聘半支迦大藥叉將名散脂生者說五百子有大威力與諸眷屬來詣佛所退坐一面佛告歡喜母汝今可受如來教勅我欲令汝捨除暴惡護諸有情此王舍城及瞻部洲一切女人所生男女皆施無畏時歡喜母白佛言世尊若如是者我及諸子當於何食佛言汝但慈心不害有情我當勅諸聲聞弟子每於食次常與汝食并於行末置一分食呼汝名字并諸子等皆令飽滿若有餘食汝可迴施一切鬼神皆悉運心令其飽足時歡

喜母白佛言世尊我今歸命如來奉佛教勅不敢違越王舍大城及諸國土一切人民所

生男女我皆擁護令其安樂不令一切諸惡

鬼神得其便也惟願如來護念於我佛言善

哉善哉歡喜母汝今可於如來善法律中受

持三歸五戒令汝長夜解脫諸苦獲大安樂

所謂歸佛法僧不殺生命乃至不飲諸酒是

汝學處汝當受持時歡喜母既受三歸并五

學處歡喜踊躍遶佛三匝白佛言世尊我今

已蒙如來加護我有自心陀羅尼能除一切

災難恐怖若有受持此章句者我諸眷屬當

為守護令獲安樂惟願如來聽我宣說佛言

恣汝意說時歡喜母即於佛前說陀羅尼曰

曩謨引囉怛曩二合怛囉二合夜二合耶一合娜莫賀

引哩底曳二合摩賀藥乞史二合拈二合阿謨

切三合阿謨

伽引去聲曳四 薩底曳合二縛引 你泥切 顛五 沒
 馱鉢哩合二野引 曳六 惹多賀引 哩七 拏曳合二
 半左補怛囉八 捨多鉢哩合二縛羅引 曳九
 畢哩合二迦囉引 曳十 麼四 多引 薩縛薩怛囉十一
 合二 引一 曩麼塞訖哩合三路引 曳十 婆誡鏗賀十二
 引哩底曳十二 合三 紇哩合二 乃野麼引 鞞哆以 灑
 引銘四 沒馱帝惹自擲切 婆去聲 介底丁以切
 薩麼合二 囉多引 曳六 婆去聲 誡鏗補囉囉引 乞
 灑合二 泉七 婆去聲 誡鏗精切 多引 泉八
 跛囉補怛囉九 尾合二 覲曩合二 尾曩引 野迦十二
 沒哩合二 跛三 麼去聲 你引 多怛囉合二 拏鼻引 羅十二
 一 滿怛囉合二 跛二 娜補 娜引 擺二十 賀引 哩灑
 引曳三十 怛三 你野 合二 佗去聲 引二十四 泉縛 齧五
 跛哩縛 齧六 寧引 怛囉合二 曩七 底二十 薩縛
 羯麼迦囉拏鼻引 曳安 縛引 賀引 八二

世尊我此陀羅尼有大威力猶如真多摩尼
 寶能滿一切有情意願唯有如來及諸菩薩
 當證知我佛言歡喜毋汝能饒益有情護持
 我法說此陀羅尼未來世中我諸弟子付汝
 守護悉令安樂時歡喜毋白佛言如佛聖旨
 我當奉行世尊若欲成就此陀羅尼法者先
 於白氎上或絹素上隨其大小畫我歡喜毋
 作天女形極令姝麗身白紅色天繒寶衣頭
 冠耳璫白螺為釧種種瓔珞莊嚴其身坐寶
 宣臺垂下右足於宣臺南邊傍膝各畫二孩
 子其母左手於懷中抱一孩子名畢哩合二 孕
 迦極令端正右手近乳掌吉祥果於其左右
 并畫兒女眷屬或執白拂或莊嚴具其畫像
 人清淨澡浴著新淨衣受持八戒如法畫已
 於一密室清淨掃灑作四肘方壇應取純色

持牛瞿摩夷以物承取以香相和如法塗拭
又以白檀香泥方壇上作一圓壇安像於中
上施天蓋懸諸綵幡以種種時華散於壇上
又以乳糜酪飯甘脆飲食及諸果子闕伽香
水燒好沉香而為供養像面向西其持誦者
壇西面東對像念誦或四時三時乃至一時
不應間闕若有間斷法即難成亦不得誦金
剛部真言及諸雜念誦恐難成就每時誦一
百八徧為常正念誦時不應雜共人語令真
言間斷不成徧數虛費功力若欲成就此法
從白月一日五日及十六日二十日起首依
前儀軌對此像前誦滿一萬徧即成先行必
須慎密勿使人知勿對人前誦此真言若能
依教專注密修歡喜毋必現其身滿修行者
所願作此念誦必不得與人結怨恐損彼人

成不饒益若得成就已所獲財寶應須廣行
檀施不應慳吝若欲令歡喜毋速來現身修
行者專想此毋常不離心又於念誦處及所
居處必須清淨不用燈明又常燒沉香唯自
獨處無間念誦亦不應恐怖歡喜毋必來現
身若得來已漏泄人知必招其禍若來現身
亦不應共語但至心念誦更加如法供養後
必數來告行者言令我何所作為或留瓔珞
環釧寶莊嚴具若留必須使用不得停留亦
不與語如是久久淳熟方可與語即請為母
或為姊妹不應於彼生貪染心設彼聖者有
染欲意必不應受若受必生彼族難得解脫
持誦者每於自所食物先減一分淨食以心
真言加持七徧食了持於淨處瀉之常得擁
護不離左右誦心真言曰

唵一弩努麼引音里迦引四諦娑嚩引二合賀

二引

持誦者既先行功滿擇吉宿日或日月蝕時如法供養取好沉香搗酥護摩一千八十徧必獲成就或現本身或即加持數珠或供養具祈上中下等成就得所居處地動或見光明當知已獲成就從此已後所作皆得如意方用已後諸成就法

若求伏藏者取一有童女洗浴清淨著鮮潔衣取有香氣華令童女兩首捧華掩面立於壇邊持誦者誦前真言加持鬱金香水一百八徧灑童女身上於真言句中加求願事須臾頃彼童女即說伏藏所在或即專心念誦請聖者現身問其所在或但祈請令歡喜毋每日供給所須若得如願所獲財寶廣修功

德及行檀施饒益有情不應蓄積必失成就又法欲得貴人歡喜取彼人門下土以唾和作丸加持一百八徧置於廁中彼人必相敬順歡喜

又法欲得女人敬愛加持果子二十一徧與六彼人喫即相敬愛

又法若有疑事准前加持童女問之所疑事意種種皆說

又法或但念誦乞願邀祈或聞空中語聲相報或於夢寐中必相告語疑事悉知

又法若有鬼魅所持怕怖不安者取安悉香阿魏藥白芥子和酥護摩一千八十徧一切精魅悉皆殄滅

又法若有惡人作留難者取嚕地羅和土加持二十一徧或一百八徧密埋彼家門閭下

其作留難人必病欲令差者收却彼土其病即除

又法夫妻不和者彼所受用衣服等物或所食之物密加持二十一徧與彼人受用勿令知覺必得相順

又法有人被毒中者加持白鴿糞和水與喫即差

又法若有被囚禁枷鎖種種口舌者取五月五日桃木密書彼怨人名字加持一百八徧又於真言句中稱彼人名加持求願語釘入

地即得官府口舌解散無事

又法欲得論議勝者取野葛一片加持二十一徧手把與彼論議彼便杜口

又法女人難婚者作一灰人加持一百八徧令彼女人每日拜此灰人七拜其婚即合萬

不失一

又法欲遠召所愛人者應作一灰人或作鹽人亦得以刀安彼心上稱彼姓名每日三時結召請印誦真言一百八徧加持不踰七日彼人即至如或不來其人必遭重病

又法若有負債不還者當以鹽末作彼人形結降伏印誦陀羅尼一百八徧於真言句中稱彼人姓名以刀劃之其人即自來叩頭乞命

又法若人患鬼魅病者准前加持一童女問之知其病祟所作即以法發遣彼鬼魅病人無不除差

又法若欲治病去時先然燈一盞安於竈下以真言加持二十一徧即蓋竈門明日平旦檢看若油盡即去若不盡即不須與治必難

得差此法甚驗

又法若日月蝕時於像前以熟銅碗盛酥加持乃至數滿食此加持酥即獲聞持日誦千言

又法若有不和順者密誦真言加持果子或飲食方便與彼人食必得敬愛

又法凡有死亡家令人恐怖者以忿怒心誦此陀羅尼二十一徧或一百八徧恐怖即除不往死亡家最善

又法若經官論訟持此真言一百八徧或但密誦真言必得道理

又法若欲謁見大人官長誦真言一百八徧見時必得歡喜

又法若有難產者加持牛酥一百八徧或二十一徧與產婦喫及塗產門必得易產

若持誦者一心專誦此真言更不雜修歡喜毋常隨擁護不離左右不久必現其身若修行此歡喜母法欲令速驗者當別置淨室極須慎密不得於佛堂精舍中作法恐難成就又不得使人見此像及知作法必失效驗

又法若有怨讎欲來相害者取胡麻和酥於像前護摩一千八十徧於真言句中稱彼人姓名必得歡喜

又法若欲令前人相憶念者書彼人姓名安自牀脚下彼人必相憶念

又法若欲令彼怨人家驚恐不安者取髑髏骨一片加持二十一徧或一百八徧密安彼怨宅內其家必驚恐不安凡欲取髑髏骨時先以真言加持自身二十一徧即結召印然後取之密加持用無不應驗若却令彼人無

恐怖者誦此真言二十一徧收取髑髏骨作發遣却送本處彼家即得無畏此骨一度用更不堪重用無驗凡經供養竟食及果子等一切不得食令持真言者無効凡欲供養歡喜母食皆須創新別造不得用經宿殘食每下供養食皆須自送不得使人送必無効驗又法欲成就役使法者先持誦真言令功業成已然後揀取一髑髏若知此髑髏是了事彊幹人必易得成驗先於所見處加持自身又以真言加持彼髑髏一百八徧結請召印彼令隨密裏將去先以水洗又以香水浴以銀爲舌於歡喜像前加持一千八十徧於壇側以甌蓋頭即於其夜自通姓名或現其身請爲給使從此以後驅使無不應驗疑事問之必能先知此法極須慎密若漏泄非但不

成亦反招殃咎凡使髑髏往彼人處先須料校前人彼怨若是持誦金剛部法或精持禁戒解法人必不得惱亂反損自身不爾必効次說印契先結請召印以右手指於左手背又入把左手掌左手向身三招其印相即成次結降伏印二手內相又二小指相鉤二無名指各左右入虎口二中指豎合二頭指各捻中指背二大指各捻中指中節其印相即成次結擲惡人印以右手大指捻無名指甲上每誦真言一徧一度向彼惡人擲之其印相即成次結發遣聖者印即結前召請印以左手向外擲之其印即以成矣爾時歡喜母於大會中說此陀羅尼法已白佛言世尊我今已蒙如來護念於我我及眷屬奉佛教勅於未來世護諸有情令獲安樂離於恐怖若

有能依此法清淨受持此陀羅尼者一切所求皆得滿足時歡喜毋復白佛言世尊我今復說愛子畢哩合二孕迦陀羅尼法為利益護持諸有求者真言曰

唵一致尾致顛娑嚩引二合賀二引

其印以二手合掌二大指並屈入掌中即成此印一切處用護身請召奉送並皆用之以印加持自身五處所謂頂左右肩心喉等即成護身以二大指招之名請召開出之名奉送若有受持此陀羅尼法者我及愛子畢哩合二孕迦并諸眷屬等擁護是人不令一切諸惡鬼神有所侵擾若有持此陀羅尼必須清淨不食葷穢誦真言滿三十萬徧并施愛子畢哩合二孕迦食即成先行其施食法先於露地淨處以瞿摩夷塗一圓壇壇上散以時華

或但於淨石上施之亦得每欲食時先取所食之物各少許共置一淨器中以前真言加持七徧於彼壇上施之并呼畢哩合二孕迦名告言我受此食願垂加護如是不闕滿六箇月即得愛子常隨加護

又法或乞食或喫乳誦真言滿三十萬徧已杜六然後取牛肉作丸一加持一燒日日三時時別一千八十徧滿四十九日畢哩合二孕迦即現其身滿修行者所願

又法修行者每三白食以牛肉和安悉香作丸護摩從白月一日起首滿足一月每日三時時別一千八十徧至月滿日廣陳供養一日一夜斷食斷雜言語如上依教護摩無間至誠念誦愛子畢哩合二孕迦必現與持誦者常為親伴所須皆應

又法取明淨好安悉香搵酥護摩每日三時
時別准上如是護摩不間不斷即常送金錢
供其所用

又法欲求伏藏者如前作先行法成已然後
復以酥合香和酥護摩每日三時時別一千
八十徧如是不間不斷其伏藏即現取用一
無障礙若常持誦此陀羅尼兼施食者能令
財物豐盈所求無不隨意常得此畢哩_{合孕}
迦衛護

又法若欲降伏冤敵者書彼冤人名於持誦
者左脚下踏而以勵聲忿怒相誦於真言句
中加彼冤人名誦滿十萬徧一切冤對無不
隨順

又法若被囚禁者當誦此陀羅尼即得解脫
又法欲得安隱者取菴末羅樹葉和乳加持

護摩十萬徧即得安隱

我今復說畢哩_{合孕}迦刻像法取好白梅檀
香木無瑕隙者長六指或一搽手令巧匠雕
作童子形頂上有五朱茶鬘子相好圓滿以
種種瓔珞莊嚴其身於荷葉上交脚而坐右
手掌吉祥果作與_{合孕}人勢左手揚掌向外垂展
五指此名滿願手作此像已於一淨室窈處
以安悉香水和泥作一肘或三肘方壇以瞿
摩夷如法塗拭又以白檀香塗一圓座安像
於中以種種時華散於壇上乳糜酪飯甜脆
果子及歡喜團等如法供養燒沉水香對此
像前誦陀羅尼滿十萬徧愛子畢哩孕迦必
來現身問行者言喚我有所求修行者隨
所願求皆得如意從此已後作法無不成驗
又法欲知未來善惡事者取瞿摩夷如前塗

壇如前供養燒安息香以胡麻一加持一燒
滿一千八十徧即於此處安寢勿使雜語一
心思惟畢哩孕迦聖天乞境界須臾頃夢見
畢哩孕迦所有疑事問之皆說乞夢真言曰

唵一 馱羅馱羅二 咎婆咎婆三 瞠引 盭引 四

畢哩合 孕迦二 羅五 薩縛 薩恒 縛合 顛縛 引

囉野六 賀引 賀引 四引 四引 護引 護引 娑縛

二合 賀引

爾時歡喜母說此自心陀羅尼并愛子畢哩
孕迦成就法已五體投地禮佛雙足白言世
尊我今以此陀羅尼及成就法十五 饒益有情惟
願如來及諸聖眾當證知我佛言善哉善哉
歡喜母我今又復付囑於汝汝等於我法中
若諸伽藍出家弟子所住之處一切人民汝
及眷屬勤心守護勿令諸惡鬼神作其障難

令得安樂乃至我法未滅已來於瞻部洲應
如是行時歡喜母及五百子并諸眷屬藥叉
等眾聞佛教勅皆大歡喜作禮而去

大藥叉女歡喜母并愛子成就法

佛說帝釋巖祕密成就儀軌

宋西天三藏朝奉大夫試鴻臚卿傳法大師旌護奉詔譯

爾時釋迦牟尼佛告金剛手大祕密主菩薩
言汝今當知摩伽陀國菴沒羅聚落北韋提
希山有帝釋巖而彼巖中有九十九宮有一
俱胝大菩薩衆并天龍八部諸神仙等安止
其中慈氏菩薩今現在彼入三摩地名最上
莊嚴從定出已說法教化諸菩薩衆金剛手
此帝釋巖最上殊勝是諸佛神通變化非諸
小智所能測度是不可思議相應法門諸大
菩薩居處其中彼有種種成就相應聖法世
間若有起決定心求趣菩提於無數劫勤修
衆行不怖長時者方為宣說此帝釋巖諸成
就法又若有人離貪瞋癡及我見相調伏諸
根起淨信心依佛正教者乃為宣說若復有

人造諸惡業不生菩提種遠離正法不信因
果毀謗阿闍黎不孝父母者汝勿為說是時
大祕密主金剛手菩薩白佛言世尊如佛所
說有大功德是方便不以加行於現生中
得見慈氏菩薩我今樂聞願佛為說爾時佛
告大祕密主金剛手菩薩言我今為汝如實
宣說金剛手若有諸修相應行人樂欲入彼
帝釋巖中不以加行於現生中求見慈氏菩
薩或復樂求聖劍聖輪如意寶教法聖藥安
繕那藥播耨迦聖莊嚴具如是等成就法者
其行人先須於阿闍黎所起信敬心依法傳
受然後求自本尊威神加護廣大供養諸佛
如來普為衆生作大布施已行人當面東行
十弓量然後面西復行三十弓量方入一宮
其狀四方位其窻牖行人即時於窻牖中觀

見種種樹木其樹皆是聖藥復見地居世界
宮殿行人於彼止息少時去此不遠即見一
井其井深可半人身量復有鐵索人所執持
以爲梯級行人即堅持此索下行三肘量即
至平地行人當以手捫摸其地漸次得見一
階道行人履此而下次見菴沒羅樹其樹有
果狀如尾螺行人當取一果持以出外而食
食已即得延壽一劫如那羅延天相好端嚴
有大力勢得聞持具足了諸佛法若行人不
取此果即復行一百弓量見大自在天宮而
彼宮前有^{社六}大池聖藥充滿此池^{社七}以比有大多
羅樹行人即於彼樹當取一果出外而食即
得延壽一劫行人若不樂取此果即於池中
取一聖藥持以出外凡所觸物皆得成金行
人若復不樂取此聖藥即於彼天宮四側取

一訶梨勒出外而食亦得延壽一劫然後離
彼天宮復於南北見有二道而彼南路即不
得往當行北路去此不遠見一銅城其城高
廣行人當擊彼城門時有摩登伽女爲開其
門入已即見二道彼左邊道有一大樹其名
無憂於彼樹下有衆多摩登伽女四向遊戲
彼衆多女即爲行人指右邊道行人即向右
邊行一由旬盡眼所觀道遠見一銀城其城
高廣門皆扁鑰彼有門鉤其狀如蛇置諸門
側行人見已勿生怖畏即取一鉤自開其門
入已初見聖劍行人若欲取時即取其劍執
已即得大持明王命終已後生兜率天若不
樂取此劍當取聖輪受已即得左訖羅惹
命終已後生四王天若不樂取此輪當取如
意寶受已即得五神通作十八變自然有聲

普告大地一切衆生作如是言若諸衆生有所求事我當施與皆令如意即爲建立如意寶幢若見諸佛教法行人即當開視得於一切佛法總持無失了達第一勝義諦法若見聖藥行人當取以一兩藥能作一俱胝金若服此藥即壽同梵天若見播耨迦行人當取著已能於日初出時遊四大洲悉得周徧經少時間還復本處若見安繕那藥行人當取少分內自眼中即能盡見三界中事若見聖莊嚴具行人當取被身即得相好端嚴隱身自在行人若不樂求如是等聖成就法即於彼處止息經宿而彼巖中蓮華合時即知爲夜彼阿修羅女出取華時即知爲晝是時行人當復前行去此不遠又見一金城行人當入其城即見七寶所成宮殿摩尼爲柱及寶

輪寶網種種妙華而爲莊嚴復以眞珠交絡其上金沙布地清淨適悅於其殿上有師子座高廣嚴好慈氏菩薩居其座上有無數天龍八部及諸仙衆恭敬圍遶聽受菩薩宣說妙法是時行人既得至彼即起最上大希有心前詣菩薩禮敬而住爾時慈氏菩薩謂行人言善來善男子行人即當答言我今善來菩薩復言善哉善哉善男子汝能發勇猛堅固心來至於此何以故南閻浮提衆生信心堅固能於佛法精進勇猛能於我所起恭敬心汝今當知若諸衆生欲於現世及當生中見我身者當發至心誦我根本大明即得安樂無諸難事而見我身根本大明曰那謨囉怛那二怛囉二夜引野一那謨吠嚕左那莎引彌你二怛他引譏多引野三阿囉

喝合二帝三藐訖三合二沒馱引野四恒鞞寧夜切
 他五唵昧咄侶合二恒哩六昧恒囉引二合縛婆
 引悉你七昧咄侶合二恒葛合二吒野八三摩合二

囉三摩合二囉九沙剛鉢囉合二底倪也十二合娑
 囉娑囉十一尾娑囉尾娑囉十二冒馱野冒馱野

三冒馱引耨誡帝四引十摩賀引冒地波哩嚩
 哩底合二多摩引那細引莎引賀五引十

菩薩告言善男子今此大明有大威力若諸
 修瑜伽行者能發至心持誦此明是人得見
 我身決定無疑復次慈氏菩薩告行人言汝
 今來此何所求耶或求見我身聽受正法耶
 或求種種成就法耶或復求於南閻浮提有
 大名稱耶如汝所求我當施願行人答言菩
 薩我初發心來入此宮唯為求見菩薩我今
 得見心已滿足餘非所求我今住此乃至菩

薩當來成正覺時願我於菩薩所聽受正法
 爾時金剛手菩薩聞釋迦牟尼佛說是法已
 歡喜信受依教奉行

佛說帝釋巖祕密成就儀軌

觀自在菩薩如意輪念誦儀軌

唐北天竺三藏沙門大廣智不空奉詔譯

依灌頂道場經說修陀羅尼法門求速出離
生死大海應須先入諸佛如來海會灌頂道
場受灌頂已發歡喜心從師親受念誦法則
後於淨室山林流水最為上勝建立道場安
置本尊修真言者面向東方應瞿摩夷塗拭
其地以白檀香磨為香泥以用塗壇或方或
圓隨意大小而於壇上散諸名華燒香供養
取二淨器盛滿香水安置壇中以用供養行
者澡浴或不澡浴悉無障礙但當運心思惟
觀察一切衆生本性清淨為諸客塵之所覆
蔽不見清淨真如法性為令清淨應當至心
誦此密語真言曰
唵引娑縛合娑引縛度引哈

由此真言加持故身口意業悉得清淨然後

五輪著地歸命禮十方一切諸佛諸大菩薩

方廣大乘右膝著地懺悔隨喜勸請發願

歸命十方正等覺 最勝妙法菩薩衆

以身口意清淨業 慇懃合掌恭敬禮

無始輪迴諸有中 身口意業所生罪

如佛菩薩所懺悔 我今陳懺亦如是

我今深發歡喜心 隨喜一切福智聚

諸佛菩薩行願中 金剛三業所生福

緣覺聲聞及有情 所集善根盡隨喜

一切世燈坐道場 覺眼開敷照三有

我今胡跪先勸請 轉於無上妙法輪

所有如來三界主 臨般無餘涅槃者

我皆勸請令久住 不捨悲願救世間

懺悔隨喜勸請福 願我不失菩提心

諸佛菩薩妙眾中 常為善友不厭捨

離於八難生無難 宿命住智相嚴身

遠離愚迷具悲智 悉能滿足波羅蜜

富樂豐饒生勝族 眷屬廣多恒熾盛

四無礙辯十自在 六通諸禪悉圓滿

如金剛幢及普賢 願讚迴向亦如是

次對本尊前結跏趺坐或半跏坐起大慈心

我修此法為一切眾生意速證無上正等菩提

先磨諸香以用塗手然後結於佛部三昧耶

陀羅尼印以二手虛心合掌開二頭指屈轉

二中指上節二大指屈轉二頭指下節其印

即成置印當心想於如來三十二相八十種

好相好分明如對目前至心誦真言七徧真

言曰

唵引怛佉引尊觀引納婆二合嚩引也娑嚩二合

引訶二引

由結此印及誦真言故即警覺一切如來悉

當護念加持行者以光明照觸所有罪障皆

得消滅壽命長遠福慧增長佛部聖眾擁護

歡喜生生世世離諸惡趣蓮華化生速證無

上正等菩提

次結蓮華三昧耶印

以二手虛心合掌散開二頭指二中指二無

名指屈如蓮華形置於當心想觀自在菩薩

相好具足誦真言七徧於頂右散真言曰

唵一引跛那謨二合納婆二合嚩引也娑嚩二合

訶二引

由結此印及誦真言故即警覺觀自在菩薩

等持蓮華者一切菩薩蓮華部眾悉皆歡喜

加持護念一切菩薩光明照觸所有業障皆

得消滅一切菩薩常為善友

次結金剛部三昧耶印

以左手翻掌向外以右手掌背安左手背用
左右大指小指互相鉤如金剛杵形安置於
當心想金剛藏菩薩誦真言七徧頂上左散

之真言曰

唵引縛日囉二合納婆一縛引也娑縛二合訶引

二引

由結此印及誦真言故即警覺一切金剛聖
眾加持擁護所有罪障皆悉除滅一切痛苦

終不著身當得金剛堅固之體

次結護身三昧耶印

以二手內相叉右押左豎二中指屈二頭指
如鉤形於中指背勿令相著並二大指押無
名指即成印身五處所謂額次右肩次左肩

次心次喉於頂上散各誦真言一徧真言曰

唵引縛日囉二合嚧你二合鉢囉二合捺跛跢二合

引也娑縛二合訶二引

由結此印及誦真言加持故即成被金剛甲
冑所有毗那夜迦及諸天魔作障礙者退散

馳走悉見行者光明被身威德自在若居山

林及在嶮難皆悉無畏水火等災一切厄難

虎狼師子刀杖枷鎖如是等事皆悉消滅見

者歡喜命終已後不墮惡趣當生諸佛淨妙

國土

次結地界真言印

右無名指入左無名指小指內中指入左中

指頭指內左亦如之餘指並頭相拄即想印

成火燄金剛杵形大指著地掣之一掣一誦

至三便止隨意大小標心即成堅固地界真

言曰

唵引枳里枳里二縛日羅引二合縛日哩三二合

部唵二合半滿馱滿馱引發吒五半音

由結此印及誦真言加持地界故下至水際

如金剛座天魔及諸障者不為惱害少加功

力速得成就

次結方隅金剛牆真言印

准前地界開二大指豎之側如牆形想印金

剛杵形右遶身三轉標心大小即成金剛堅

固之城諸佛菩薩尚不違越何況諸餘難調

伏者毗那夜迦及毒蟲利牙爪者不能附近

真言曰

唵引薩羅薩羅二縛日羅引二合鉢囉二合迦引

囉吽引發吒三半音

行者次應想於壇中八葉大蓮華上有師子

座座上有七寶樓閣垂諸瓔珞繒綵幡蓋寶

柱行列垂妙天衣周布香雲普雨雜華奏諸

音樂寶鏘闍伽天妙飲食摩尼為燈作此觀

已而誦此偈

以我功德力社六如來加持力三及以法界力

普供養而住

說此偈已次結大虛空藏普通供養印以二

手合掌以二中指外相又以二頭指相拄及

蹙如寶形結印成已誦真言四徧普通供養

真言曰

唵引誡誡曩三聲去聲縛日羅引二合斛二

由誦此真言加持故所想供養真實無異一

切聖眾皆得受用

次應結寶車轆印

二手內相又仰掌頭指橫相拄以二大指各

捻頭指根下想七寶車輅金剛駕御寶車乘空而去至於極樂世界誦真言三徧真言曰

唵一引都嚕都嚕吽二引

由此真言印加持故七寶車輅至極樂土想如意輪觀自在菩薩及諸聖眾眷屬圍遶中

車輅至道場中虛空而住

次結請車輅印

准前印以大指向身撥中指即誦真言三徧

真言曰

娜麼悉底囉合三野地尾合二迦引南引怛佗引

孽多引喃唵引嚩日合二嚩你野引三合羯唎

沙合二也娑嚩引二訶引三

由此真言印加持故聖眾從本土來至道場空中而住

次結請本尊三昧耶降至於道場印二手內

相又作拳左大姆指入掌以右大姆指向身

招之真言曰

唵一引阿嚩引力迦半音阿孽車阿孽車娑嚩

二合訶引三

由此真言印加持故菩薩不越本誓故即赴

集於道場

次應辟除諸作障者結蓮華部明王馬頭觀

自在菩薩真言印

二手合掌屈二頭指無名指於掌內甲相背

豎開二大指左轉三市心想辟除諸作障者

一切諸魔見此印已退散馳走真言曰

唵一引阿密哩合二覩引納瞞合二嚩二吽引發吒

半音娑嚩引二訶引三

次結上方金剛網印

准前牆印二大指捻二頭指下節誦真言三

徧頭上右轉三匝便止真言曰

唵引尾娑魯二合捺囉二合叉二合囉日囉

三合半惹囉吽發吒三合

由此網印真言加持故即成金剛堅固不壞之網

次結火院密縫印

以左手掩右手背豎二大指誦真言三徧右

遶身三匝想金剛牆外火院圍遶真言曰

唵引阿三莽嚶你二合吽發吒二合

次獻闕伽香水真言印

二手捧器想浴聖眾足誦真言三徧廿六真言曰

曩莫三滿多沒馱引南引誡誡曩娑莽娑忙

娑嚩二合訶二合

由獻闕伽香水故行者三業清淨洗滌煩惱

垢

次當結獻蓮華座印

二手虛心合掌舒開左右無名指中指頭指

屈如微敷蓮華形在寶樓內諸聖及本尊各

坐本位眷屬圍遶了了分明誦真言三徧真

言曰

唵引迦麼擺娑嚩二合訶二合

由結蓮華座印真言故行者當得十地滿足

當得金剛之座

次結普供養印

二手合掌以右押左交指即成誦真言三徧

想無量無邊塗香雲海華髮雲海燒香雲海

飲食燈明雲海皆成清淨廣多供養普供養

真言曰

曩莫三滿多沒馱引南引薩嚩佉引欠搵娜

孽二合底娑頗二合囉四合唵二合誡誡曩劔娑嚩

二合訶引

次應誦讚歎偈

迦麼擺目佉一迦麼擺路引左娜二迦麼擺

引娑那三迦麼擺賀娑路二合迦麼擺引娑

毋你五迦麼擺迦麼擺六三婆嚩七娑迦擺

麼擺八乞又二擺娜九那麼悉帝十合

次應思惟想於身正當曾間如滿月形光明

晃耀月上八葉蓮華上有如意寶珠如紅玻

璃色赫奕光明至無量世界於光明中想自

身如本尊像六臂相好起大悲心即結如意

輪根本印二手合掌二頭指屈如寶形二中

指屈相拄如蓮華葉合豎二大指即成誦根

本真言七徧想於本尊如對目前頂上散之

真言曰

曩謨囉怛曩合怛曩合夜引也一曩莫呵引

哩夜二合嚩路引枳帝溼嚩合囉引也二冒

引地薩怛嚩引二合也三摩賀引薩怛嚩引二合

也四摩賀引迦引嚩拏迦引也五怛你也二合

佗去聲唵引斫訖囉合鞞底振多引摩拏八

麼賀引跋納銘二合嚩嚩底瑟姪二合入嚩

二合擺阿迦囉灑合也一吽泮吒音娑嚩合

引訶引十

次結心印

准前根本印無名指小指外相又即成誦真

言七徧頂上散之真言曰

唵引跋娜麼合振路引麼拏入嚩合擺吽引

次結心中印

准前根本印中指外相又小指橫豎即成誦

真言七徧頂上散之真言曰

唵引嚩囉娜跋納銘合吽引二

即持念珠於掌中以心中心真言加持七遍
 然後持珠當心次第記數誦之至一百八遍
 乃至一千八十住本尊三摩地更莫異緣了
 了分明徧數了已珠安掌中頂戴安置本處
 然後結根本印心印心中心三印即入三摩
 地觀即觀心圓明漸舒廓周沙界不見身心
 成清淨法界乃至食頃從三昧出次結普供
 養印獻香華等及闕伽水讚歎發願即結火
 院結界印頭上左轉一徧即成解界
 次結車輅印向外撥之次結迎請印向外撥
 之次結護身印印五處已次結三部印任意
 經行讀誦大乘經典迴助心中所求上中下
 悉地行者若能日日三時依此念誦罪障消
 滅得大智慧三昧成就本尊現前能獲功德
 如經所述

觀自在菩薩如意輪念誦儀軌

音釋

擻胡慣切 搵烏沒切 臬胥里切 拏疾二切
貫也 捺物之貌 胥里切 拏疾二切
牛閻門限也 斲切 拏切 拏切
也 斲切 拏切 拏切
各 斲切 拏切 拏切
切 斲切 拏切 拏切

柱六 二十九

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>

